

御纂醫宗金鑑

石部

卷二十二



御纂醫宗金鑑卷二十二

訂正仲景全書金匱要畧註下之一目錄

黃疸篇第十六

大黃消石湯

茵陳五苓散

茵陳蒿湯

消石礬石散

梔子大黃湯

豬膏髮煎

嘔吐噦下利篇第十七

豬苓散

小柴胡湯

四逆湯

茱萸湯

半夏瀉心湯

半夏乾薑湯



南京中医药大学图书馆藏

黃芩加半夏生薑湯

大黃甘草湯

生薑半夏湯

文蛤湯

大半夏湯

茯苓澤瀉湯

橘皮竹茹湯

橘皮湯

通脈四逆湯

訶黎勒散

小承氣湯

白頭翁湯

桃花湯

桂枝湯

梔子豉湯

紫參湯

瘡癰腸癰浸淫篇第十八

薏苡附子敗醬散

大黃牡丹湯

王不留行散

黃連粉

跌蹶手指臂腫轉筋陰狐疝蛇蟲篇第十九

藜蘆甘草湯

雞屎白散

蜘蛛散

甘草粉蜜湯

烏梅圓



御纂醫宗金鑑卷二十二

訂正仲景全書金匱要畧註下之一

黃疸病脈證并治第十六

寸口脈浮而緩滑則為風緩則為痺痺非中風四肢苦煩身色必黃瘀熱以行跌陽脈緊而數數則為熱熱則消穀緊則為寒食即為滿尺脈浮為傷腎跌陽脈緊為傷脾風寒相搏食穀即眩穀氣不消胃中苦濁濁氣下流小便不通陰被其寒熱流膀胱身體盡黃名曰穀疸額上黑微汗出手足中熱薄暮即發膀胱急小便自利名曰女勞疸腹如水狀不治心中懊懣而熱不能食時欲吐名曰酒疸

寸口脈浮而緩浮則爲風緩則爲痺痺非中風前已詳言之矣今跌陽緊數而尺脈浮四肢苦煩身面色黃乃也黃土色也土病則見之土屬脾胃脾爲陰土主陽土主熱故凡病疸皆爲濕瘀熱鬱也行於外則必四肢苦煩身面發黃也蓋其人素有濕熱外被風寒相搏內爲女勞所傷及食穀飲酒或與濕瘀或與熱鬱皆能爲是病也若胃脈數是熱勝於濕則從胃陽熱化熱則消穀故能食而謂之陽黃若胃脈緊是濕勝於熱則從脾陰寒化寒則不食故食即滿而謂之陰黃也陽黃則爲熱疸酒疸陰黃則爲女勞疸穀疸也若尺脈不沉而浮則爲傷腎腎傷

病疸亦爲女勞疸也胃脈不緩而緊則爲傷脾脾傷成疸亦爲穀疸也穀疸則食穀卽滿穀氣不消胃中苦濁清氣阻於上行故頭眩也濁氣流於膀胱故小便不通也女勞疸則額上黑腎病色也微汗出濕不勝也五心熱溲黃發腎陰熱也膀胱急小便利下焦虛也腹滿如水狀脾腎兩敗故謂不治也若心中懊懣熱不能食時欲吐小腹滿小便不利雖見目青面黑必是酒疸病也

脈沉渴欲飲水小便不利者皆發黃

註

脈沉主裏也渴欲飲水熱瘀也小便不利濕鬱也熱瘀濕鬱於裏故發黃也首條謂脈浮緩緊數皆令發黃是得之

於外因也此條脈沉亦令發黃是得之於內因也故治黃有汗下二法也

集註

李延曰脈沉而渴渴欲飲水小便不利則濕熱內蓄無從

分消故發黃也

疸而渴者其疸難治疸而不渴者其疸可治發於陰部其人必嘔發於陽部其人振寒而發熱也

註

未成疸前小便不利而渴者是欲作疸病也已成疸後而

渴者是熱深不已故難治也不渴者是熱淺將除故可治也疸發於陰者人必嘔逆嘔逆者陰重為之也發於陽者人必振寒發熱寒熱者陽表為之也此以渴不渴別疸之

難治可治以嘔逆寒熱辨黃之在表在裏也

集註

程林曰黃家以濕熱相搏有口燥鼻燥而未至於渴渴則

津液內消邪氣獨勝不渴則津液未竭正氣未衰治之所

以分難易也陰主裏濕勝於裏則嘔陽主表熱勝于表則

振寒發熱也此條辨疸證之渴與不渴有輕重表裏之分

也

尤怡曰疸而渴則熱方熾而濕且日增故難治不渴則熱

已減而濕亦日消故可治陰部者裏之藏府關於氣故嘔

陽部者表之軀殼屬於形故振寒而發熱此陰陽內外淺

深微甚之辨也

腹滿舌痿黃躁不得睡屬黃家

按舌痿黃之舌字當是身字必傳寫之譌

註身痿而黃腹滿而躁不得睡者屬黃家之病在裏當

也

集徐彬曰腹滿裏證也乃有腹滿而加身痿黃躁不得眠

註熱外行此發黃之漸也故曰屬黃家

諸黃家病但利其小便假令蠟浮者當以汗解之宜桂枝加黃
耆湯主之

註諸黃家病謂一切黃家病也黃病無表裏證熱盛而渴者

當清之濕盛小便不利者但當利其小便假令蠟浮則爲

在表當以汗

宜桂枝加黃耆湯于此推之可知脈沉

在裏當以下

也

集註高世拭曰利

乃黃家一定之法故曰諸病黃家但利

小便然亦自有宜汗者故又曰假令脈浮為在表當以汗

解之汗解之法宜桂枝加黃耆湯用桂枝湯以解肌肌解

則汗自出加黃耆以助表表和則營衛亦通矣

桂枝加黃耆湯方

見水氣病中

師曰病黃疸發熱煩喘胸滿口燥者以病發時火却其汗兩熱

相得然黃家所得從濕得之一身盡發熱而黃壯熱熱在裏當

下之

註此詳申黃疸誤用火汗之爲病也病疸者濕熱也今濕淫於內則胸滿煩喘熱淫於內則發熱口燥若病發時復以火劫其汗則爲兩熱相合蓋黃家所得由濕得之則一身必盡熱而身面卽發黃也今因火劫誤汗而發黃雖有表熱則不當汗也但捫其肚熱其熱在裏當下之以去其熱也

集註程林曰濕淫於內則煩喘胸滿熱淫於內則發熱口燥復以火迫劫其汗反致兩熱相搏殊不知黃家之病必得之濕熱瘀於脾土故一身盡發熱而黃正以明火劫之誤也若肚有熱則熱在腹可下之以去其濕熱

黃疸腹滿小便不利而赤自汗出此為表和裏實當下之宜大

黃消石湯

註

此承上條互詳其證以明其治也腹滿小便不利而赤是

熱在裏其人自汗出此為表和裏實也宜大黃消石湯下

之

大黃消石湯方

大黃

黃蘗

消石

各四兩

梔子

十五枚

右三味以水六升煮取二升去滓內消更煮取一升頓服

集解

李昉曰腹滿小便不利而赤裏病也自汗出表和也裏病



者濕熱內甚用梔子清上焦濕熱大黃瀉中焦濕熱黃蘗清下焦濕熱消石則於苦寒瀉熱之中而有燥烈發散之意使藥力無所不至而濕熱悉消散矣

黃疸病茵陳五苓散主之

一本云茵陳湯及五苓散並主之

按

黃疸病之下當有小便不利者之五字茵陳五苓散方有

著落必傳寫之遺

註

黃疸病蠅沉腹滿在裏者以大黃消石湯下之蠅浮無汗

在表者以桂枝加黃芪湯汗之小便不利者不在表裏故

以茵陳五苓散主之

茵陳五苓散方

茵陳蒿末

十分

五苓散

五分方見痰飲中

右二味和先食飲服方寸七日三服

集解

尤怡曰此正治濕熱成疸者之法茵陳散熱利濕

瘕也

黃疸病小便色不變欲自利腹滿而喘不可除熱熱除必噦噦者小半夏湯主之

註

黃疸病小便當赤今不赤而白且欲自利雖腹滿而喘是

濕盛無熱陰黃證也切不可除熱若除熱以涼藥下之則

胃必寒而作噦噦者主之以小半夏湯以止噦也

集註

李彭曰小便色不變欲自利裏無實可知腹滿而喘脾氣



北京中医药大学图书馆藏

虛而肺氣不利耳用苦寒藥攻裏除熱則胃寒而虛氣逆故噦宜小半夏湯散逆止噦

高世栻曰小便色不變非赤也欲自利非下利也若腹滿而喘雖似裏實不可投寒劑以除熱如大黃消石湯不可用也若投寒劑而除熱則必噦噦呃逆也半夏生薑辛溫散寒故噦者當以小半夏湯主之也

小半夏湯方 見痰飲中

黃疸之病當以十八日爲期治之十日以上瘥反劇爲難治

註

疸病屬脾脾主土土無定位寄旺於四季之末各十八日期之十八日者土旺之日也故治十日以上當瘥而不踰



十八日之外也若踰十八日不瘥而反劇者則土衰矣故

曰難治

集註

高世拭曰十八日乃脾土寄旺于四季之期十日土之成

數也黃疸之病在于脾上故當以十八日為期然治之宜

先故治之十日以上即當瘥至十日以上不瘥而疸病反

劇者是謂難治謂土氣虛敗不可治也

穀疸之為病寒熱不食食即頭眩心胸不安久久發黃為穀疸

茵陳蒿湯主之

註

此詳申穀疸之為病也未成穀疸之時其人多病寒熱寒

熱作時則不能食寒熱止時則或能食雖能食然食後即